

Hamidulla A. AMINOV,
Candidate of Historical Sciences,
Senior researcher of the Institute of Oriental Studies
named after Abu Rayhan Biruni of the Academy of
Sciences of the Republic of Uzbekistan.
Mirzo Ulugbek str. 79, 100170, Tashkent, Uzbekistan.
E-mail: beruni1@academy.uz

“АЛ-ФИҚХ АЛ-АКБАР”НИНГ МУАЛЛИФИ МАСАЛАСИ

ВОПРОС АВТОРСТВА “АЛЬ-ФИҚХ АЛЬ-АКБАР”

THE ISSUE OF THE AUTHOR OF AL-FIQH AL-AKBAR

КИРИШ

Имоми Аъзам Абу Ҳанифа Нўмон ибн Собит ал-Кўфий (80/699–150/767), аслида, факих бўлишига ҳамда бутун умри давомида, асосан, фиқҳ илми билан шуғулланганига қарамасдан, бизгача ақидавий мавзулардаги асарлари ҳам етиб келгани, “ал-Васийят” каби энг охирги асарлари ҳам ушбу мавзуда эканлиги ақида илмининг ўз замонаси учун ҳам, кейинги замонлар учун ҳам не чоғли муҳимлигини кўрсатади. Шофеъийлик мазҳабининг мужтаҳид олимни Муҳаммад ибн Идрис аш-Шофеъий (150/767–204/820) “Барча одамлар қалом илмида Абу Ҳанифага боғлангандир”, деб бежиз айтмаган эди (Ибн Халликон, 1994:255). Бинобарин, Имоми Аъзам Абу Ҳанифа ёзиб қолдирган “Ал-Фиқҳ ал-акбар” асари барча даврларнинг ақида бўйича энг эътиборли ва энг аҳамиятли манбалардан бири бўлиб қолаверади.

Замонавий тадқиқотларда “Ал-Фиқҳ ал-акбар” Имоми Аъзам Абу Ҳанифа томонидан ёзилмаган деган фикр учраб туради. Бу фикр, асосан, A.J.Wensinck ҳамда Givony Jozeph, Joseph Schacht, Brannon M. Wheeler, Ulrich Rudolph ва уларга эргашган мусулмон тадқиқотчилар томонидан илгари сурилган. Ушбу фикрларга умумий назар солинса, улар “Ал-Фиқҳ ал-акбар”да кўтарилиган айrim масалалар Имоми Аъзам Абу Ҳанифа даврида оммалашмаган бўлгани сабабидан айтилган. Бироқ оммалашмаган дейилган мазкур масалалар ўша давр муткаллим ва муаллифлари

томонидан ҳам кўтарилиганига, шунингдек, Имоми Аъзам Абу Ҳанифа ўз даврида мўътазилий, хавориж каби оқимлар вакиллари билан баҳс-мунозаралар олиб борганига кам эътибор қаратилган.

Ибн Қутайба (213/828–276/889) томонидан битилган “ал-Ихтилоф фи-л-лафз” асари ҳамда Абу Жаъфар Аҳмад ат-Таховий (239/853–321/933) томонидан битилган “ал-Ақидат ат-таҳовия” деган ном билан шуҳрат қозонган “Баён ас-суннат” асари кабиларга қаралса, шунингдек, Имоми Аъзам Абу Ҳанифа даврида яшаган муткаллимларнинг илмий фаолияти ва меросига назар солинса, “Ал-Фиқҳ ал-акбар”да кўтарилиган мавзулар буларда ҳам кўтарилиганини ва унда ишлатилган атама ва истилоҳлар буларда ҳам қўлланилганини кўриш мумкин.

Демак, “Ал-Фиқҳ ал-акбар”нинг ҳанафий мазҳаби муассиси, мужтаҳид олим Имоми Аъзам Абу Ҳанифага тегишли эканлигини очик-ойдин исботлаш мақсадга мувофиқдир.

АСОСИЙ ҚИСМ

“Ал-Фиқҳ ал-акбар” асари Имоми Аъзам Абу Ҳанифа (80/699–150/767) қаламига мансуб эканига бир қанча далиллар мавжуд. Мазкур мужтаҳид олимнинг “Ал-Фиқҳ ал-акбар” номли асари бўлганига Мусулмон Шарқи шак-шубҳа билдириган эмас. Уни ҳанафий олимлари ҳам, бошқа мазҳаб вакиллари ҳам Имоми Аъзам Абу Ҳанифанинг ўзи ёзган асар сифатида қайд килиб келганлар:

Абу Мансур Абдулқоҳир ал-Бағдодий (ваф. 429/1037) “ал-Фарқ байн ал-фирак” ҳамда “Усул ад-дин” номли китобларида олимнинг “ар-Радд ѡала-л-қадария” асарининг номи айни “Ал-Фиқҳ ал-акбар” эканини айтиб ўтган. (ал-Бағдодий, 1988:314; ал-Бағдодий, 1928:308)

Хожи Халифа (1017/1609–1067/1657) “Кашф аз-зунун”да бу асарнинг ровийси Исломил ибн Ҳаммод ибн Абу Ҳанифа (ваф. 212/827) (К. Чалабий, 1941:410).

Таниқли адид Ибн ан-Надим (ваф. 438/1047) ўзининг айнан био-библиографик китоби – “ал-Фиҳрист”да унинг мазкур “Ал-Фиқҳ ал-акбар” асари ҳамда “ар-Рисола ила-л-Баттий”, “ал-Олим ва-л-мутааллим”, “ар-Радд ѡала-л-қадария” асарлари борлигини қайд қилган (Ибн ан-Надим, 1971:256).

Садрулислом Абулюср Муҳаммад ал-Паздавий (421/1609–493/1100) “Усул ад-дин” асарида: “Бизгача Имоми Аъзам Абу Ҳанифанинг

Аннотация: Мақола мусулмон оламида шұхрат қозонған, ақидага оид “ал-Фиқұ ал-акбар” асарининг ҳанафийлик мазхаби асосчысы Абу Ҳанифа Нұғымен ибн Сабит ал-Күфи (80-150 ҳ./699-767 м.) томонидан шахсан ёзилған ёки ёзилмаганини аниқлашыга базасыланған. Мақолада ёзма манбалар асосида мазкур асарнинг унга тегишилиги аниқланған.

Шарқшынос олимлардан A.J.Wensinck, Givony Jozeph, Joseph Schacht, Brannon M. Wheeler, Ulrich Rudolph ва боиқаларнинг “ал-Фиқұ ал-акбар” Абу Ҳанифа давридан кейин ёзилған, деган шубхаларига мақолада жағоблар берилған. Шиблий Нұғыменій ва Муфтый Азизуррахман каби мусулмон тағдіқотчилар ҳам ушбу шубхаларни айттышынан зерттегендегі деңгелде, мақолада иккінчи Абу Ҳанифа деган номни олган Мұхаммад ибн Юсуф ал-Бухорий деган шахс “ал-Фиқұ ал-акбар”нинг ҳақиқиетін мұаллифидір, деган фикрнинг хато эканы исботтаб берилған.

Мақолада “ал-Фиқұ ал-акбар”нинг мұаллифгача еттан ривоят силсиласи (санад) түгерисида ҳам сүз юритилған. Үмуман олғанда, мақолада Абу Ҳанифа даврида калом илми ва ақидада күриб чиқылған масалалар айнан “ал-Фиқұ ал-акбар”га киристилгани, бу борадаги шубхалар ўринсиз эканы далиллар асосида очиб берилди. “ал-Фиқұ ал-акбар” ҳақиқатан ҳам Абу Ҳанифага тегишили асар эканы ойданлаштирилди.

Калит сўзлар: фиқұ, ақида, калом илми, шарқшынослар, жавхар (модда, материя, атом, эссенция), араз (аксидентия, симптом), мұтазилий, ҳаворијә, қадарий, муржисий, каромат, санад.

Аннотация: Статья посвящена подтверждению или опровержению факта авторства известного в исламском мире основоположника ханафитской школы Абу Ҳанифа Нұғман ибн Сабит аль-Күфи (80-150 хиджры / 699-767 гг. н.э.) по написанию произведения относящегося к вероубеждению «Ал-Фиқұ ал-акбар». В статье идентифицируются произведения на основании письменных источников.

Статья отвечает на сомнения востоковедов А.Дж. Венсинка, Гивони Джозефа, Джозефа Шахта, Браннона М. Уиллера, Ульриха Рудольфа и других в том, что «Аль-Фиқұ ал-акбар» был написан после времен Абу Ҳанифы. Исламские ученые, такие как Шибли Нуғман и муфтый Азизуррахман, также подтвердили эти сомнения. Статья также доказывает, что гипотеза о том, что Мұхаммад ибн Юсуф аль-Бухари, известный как второй Абу Ҳанифа, является настоящим автором «аль-Фиқұ ал-акбар», ошибочна.

В статье также упоминается цепочка передастиков повествований «аль-Фиқұ ал-акбара» до автора. В целом, статья показывает на основе доказательств, что вопросы, обсуждавшиеся в теологии и вероисповедании во времена Абу Ҳанифы, были включены в «аль-Фиқұ ал-Акбар», и что сомнения в этом отношении были необоснованными. Было уточнено, что «Аль-Фиқұ ал-Акбар» действительно принадлежит авторству Абу Ҳанифы.

Ключевые слова: фиқұ, ақида, теология, востоковеды, руда (материя, материя, атом, сущность), араз (случайность, симптом), мутазилий, ҳаваријә, қадарий, муржиси, каромат, санад.

Abstract: The article is devoted to determining whether Abu Hanifa Numan ibn Thabit al-Kufi (80-150 AH / 699-767 AD), the founder of the Hanafi school of thought, wrote al-Fiqh al-Akbar; a well-known work in the Muslim world. The article identifies the book based on written sources.

The article answers the doubts of orientalists A.J. Wensinck, Givony Joseph, Joseph Schacht, Brannon M. Wheeler, Ulrich Rudolph, and others that al-Fiqh al-Akbar was written after the time of Abu Hanifa. Muslim scholars such as Shibli Nu'mani and Mufti Azizurrahman have also confirmed these doubts. The article also proves that it is a mistake to think that Muhammad ibn Yusuf al-Bukhari, the second Abu Hanifa, is the real author of al-Fiqh al-Akbar.

The article also mentions a series (sanad) of narrations (rivayah) from al-Fiqh al-Akbar to the author. In general, the article reveals based on evidence that the issues discussed in the science of kalam (theology) and the aqeedah during the time of Abu Hanifa were included in al-Fiqh al-Akbar; and that the doubts in this regard were unfounded. It has been clarified that al-Fiqh al-Akbar is indeed a work by Abu Hanifa.

Keywords: fiqh, aqeedah, kalam, orientalists, ore (matter, atom, essence), araz (accident, symptom), mu'tazilite, khawarij, qadari, murji, karamah, sanad.

“ал-Олим ва-л-мутааллим” ва “Ал-Фиқұ ал-акбар” китоблари етиб келған”, деб ёзған (ал-Паздавий, 2003:15). “Фихрист” асарида Имоми Аъзам Абу Ҳанифанинг факат “Ал-Фиқұ ал-акбар” асари тилга олинған, “Ал-Фиқұ ал-абсат”нинг номи эса, зирк қилинмаган. Бирок ундан олдин ёзилған “ал-Фарқ

байн ал-фирақ” да “Ал-Фиқұ ал-акбар” билан бирга яна бир рисола тилга олинған. Уни: “Имоми Аъзам Абу Ҳанифанинг ахли суннатнинг: “Иститоат (куч-кудрат) феъл билан бирга бўлади”, деган гапини қўллаб-қувватлаш мақсадида имло қилдирган яна бир рисоласи бор”, деб таърифлаган (ал-Боғодий,

1988:314). “Иститоат (куч-кудрат) феъл билан бирга бўлади”, деган масала “Ал-Фикҳ ал-акбар”да кўриб чиқилмаган, балки у ҳақида “Ал-Фикҳ ал-абсат”да батафсил сўз юритилган. Демак, “ал-Фарқ байн ал-фирак” ёзилган даврларда ҳанафий олимлардан бошқаларга ҳам Имоми Аъзам Абу Ҳанифанинг гарчи номи маълум бўлмаса-да, “Ал-Фикҳ ал-абсат” асарининг мазмуни маълум бўлган ва у “Ал-Фикҳ ал-акбар”дан бошқа бир рисола экани ҳам аён бўлган.

Мазкур “Ал-Фикҳ ал-абсат” асари “Имоми Аъзам Абу Ҳанифадан фикҳи акбар ҳақида сўрадим”, деб бошлангани учун “Иккинчи Ал-Фикҳ ал-акбар” ҳам дейилади. Шунинг учун, табакот ва таржимаи ҳолга бағишланган асарларда Абу Мутеъ ал-Балхий “ал-Фикҳ ал-акбар”нинг ровийси сифатида кўрсатилган бўлиши мумкин. Айтгани ямиздек, у зот айнан “ал-Фикҳ ал-акбар”нинг ровийси эмас, балки унинг иккинчи варианти деб қаралаётган “ал-Фикҳ ал-абсат”нинг ровийсидир.

Имоми Аъзам Абу Ҳанифанинг ақидага доир асарлари орасида энг ишончлиси “ал-Фикҳ ал-акбар” бўлиб, унда ҳанафийлик ва мотуридиylikning энг асосий ақидалари ёритилган. Шунинг учун, ҳанафийлар ва мотуридийлар кўпроқ яшайдиган қадим Мовароуннаҳр, Онадўли, Ҳинд-Синд ўлкаларида, Суря томонлардаги ҳанафийлар орасида ҳозиргача мазкур асар тўлиғича мукаммал ва муфассал равишда ўқитилади. мадрасаларнинг асосий ўқув қўлланмалари қаторида туради, талабалар уни бошдан-оёқ ёд оладилар. Бироқ, бу юртларда Имоми Аъзам Абу Ҳанифанинг бошқа ақидавий асарлари оммалашмаган, ҳатто айrim аҳли илмлар уларнинг борлиги ҳақида маълумотларга ҳам эга эмаслар. У зотнинг васиятномалари тўғрисида билгилар ҳам, унинг “ал-Фикҳ ал-абсат” асари борлигини айтмайдилар. Мазкур “ал-Фикҳ ал-абсат” асарининг бирорта, биргина ҳам кўлёзма нусхасининг Ўзбекистонда, ва айтиш ўринлики, бутун Марказий Осиё қўлёзмалар жамғармаларида йўқлиги ҳам буни тасдиқлайди. Шу билан бирга, асрлар давомида “Ал-Фикҳ ал-акбар” ўнлаб шарҳлар битилгани ҳолда “ал-Фикҳ ал-абсат”га факат битта шарҳ ёзилгани маълум. Унинг ҳам бўлса, асл муаллифи баҳсли ҳисобланади. Чунки мазкур “ал-Фикҳ ал-абсат”га битилган шарҳ Абу Мансур ал-Мотуридийга янгилиш равишида нисбат қилиниб, Ҳайдарободда 1325, 1365 х. саналарда ва Байрутда 1983 йилларда нашр қилинган. Бироқ, кейинчалик мазкур шарҳ бир қанча тадқиқчилар томонидан

Абуллайс ас-Самарқандийга нисбат берилган ва 1995 йили Токиода Hans Daiber томонидан нашр ҳам қилинган. Шарҳ айrim кўлёзма нусхаларида И smoil ibn Исҳоқ ал-Ҳатирийга нисбат қилинган. Бироқ, унинг Ато ибн Али ал-Жузжонийга мансублиги тўғрироқ экани ўз исботини топди (Z.Birinci, 2008:57–72). Мазкур маълумот ҳам “ал-Фикҳ ал-акбар”нинг Имоми Аъзам Абу Ҳанифага тегишли эканлигини кўшимча тасдиқлай олади.

“Ал-Фикҳ ал-акбар” асарининг ишончли ровийлар томонидан ривоят қилинган силсиласи Turkiye Diyanet Vakfi Islam ansiklopedisi ва Муҳаммад Зоҳид ал-Кавсарий (1296/1878–1371/1952) маълумотига кўра (Ş. Göljük, 1995:544; Абу Ҳанифа, 1949:6–7) Нусайр ибн Яҳё → Ибн Муқотил → Иsom ибн Юсуф → Ҳаммод ибн Абу Ҳанифа → Имоми Аъзам Абу Ҳанифа ҳисобланади. Санад силсиласи бир қанча кўлёзмада, шу жумладан, Мадинаи мунавварадаги Ориф Ҳикмат кутубхонасида сақланаётган 226-, 234- тартиб рақамли кўлёзма мажмуаси таркибида учрайди. Ровийларнинг барчаси таникли ҳанафий олимлар бўлиб, бу ҳолат асарнинг ишончлилик ва муаллифга мансублик жихатини яна бир бор қувватлайди.

Ҳаммод ибн Абу Ҳанифадан ривоят қилинган “Ал-Фикҳ ал-акбар”нинг яна бир ривоят силсиласи мавжуд. Уни Истанбулдаги “Муҳаммад Фотих” университети профессори Муҳаммад Абу Бакр Абдуллоҳ Бозиб ўзининг мазкур асарнинг саволжавобли қилиб қайта ишлаган вариантида келтириб ўтган (M. Бозиб, 2016:7). У Шайх Муҳаммад Амин Сирож (1348/1929–1442/2021) нинг шогирди бўлиб, у эса Шайхулислом Муҳаммад Зоҳид Кавсарийнинг охирги шогирдларидан ҳисобланади. Ривоят силсиласи “Саҳиҳи Бухорий”нинг “Фатҳ ал-Борий” номли энг машҳур шарҳини битган Ибн Ҳажар ал-Асқалоний (773/1372–852/1449) га етказилган. Ибн Ҳажар ал-Асқалоний эса ўзининг “ал-Мўжам ал-муфахрас” асарида айнан Ҳаммод ибн Абу Ҳанифагача етган ривоят силсиласини тўлиқ келтириб ўтган (Асқалоний, 1998:269). Унда Ибн Ҳажар ал-Асқалонийдан то Ҳаммод ибн Абу Ҳанифагача 10 нафар олимнинг номи зикр қилинган.

Ровийлар силсиласидаги биринчи олим Нусайр ибн Яҳё ал-Балхий (ваф. 268/882) кўлёзмаларда Наср ибн Яҳё шаклида ҳам учрайди, аслида улар бир шахс ҳисобланади. У Абу Сулаймон ал-Жузжоний (ваф. 200/815) ва Муҳаммад ибн Муқотил (ваф. 248/862) шогирдларидан бўлади. Буюк мухаддис ва

МУҲОКАМА

факиҳ Аҳмад ибн Ҳанбал (164/780–241/855) билан учрашган, илмий баҳслар олиб борган, Муҳаммад ибн Муҳаммад ибн Саллом (ваф. 305/918) ундан ривоят олган (А. Қураший, 1993:546). Нусайр ибн Яхё буюк мутакаллим Абу Мансур ал-Мотуридий (256/870–333/944) нинг ҳам бевосита устозларидан бири хисобланади.

Муҳаммад ибн Муқотил ар-Розий (ваф. 248/862) ҳанафий факиҳи ва олимларидан бири. Райда қозилик қилган. Муҳаммад аш-Шайбонийнинг шогирдларидан ҳисобланади. Суфён ибн Уйайна (107/725–198/814) ва Вакеъ ибн ал-Жарроҳ (129/746–197/812) каби мухаддислардан ҳадис ривоят қилган (А. Қураший, 1993:372).

Абу Исмат Иsom ибн Юсуф ал-Балхий (ваф. 215/830) ҳанафий факиҳлари Абу Юсуф ва Муҳаммад аш-Шайбонийнинг шогирди шогирди ҳисобланади. Суфён ас-Саврий (97/716–161/778) ва Шўъба ибн ал-Ҳажжож (82/701–160/776) каби мухаддислардан ҳадис ривоят қилган (А. Қураший, 1993:527–528).

Ҳаммод ибн Абу Ҳанифа (ваф. 176/792) ўз отасидан илм олиб, факиҳ сифатида танилган, парҳезкор олим бўлгани нақл қилинган. Кўфа ва Басрада бир муддат қози бўлган (М. Кафавий, 2019:256).

Шу тариқа, “Ал-Фиқҳ ал-акбар” асосан Балх орқали Мовароуннахрга кириб келган ва мотуридийлик таълимотига асос килиб олинган.

НАТИЖА

Илмий изланиш натижалари шуни кўрсатадики, ҳанафийлик мазҳаби асосчиси, мужтаҳид Имоми Аъзам Абу Ҳанифа бир қанча асарларни ўзи ёзган бўлиб, улардан бири айнан “Ал-Фиқҳ ал-акбар” деб аталади.

“Ал-Фиқҳ ал-акбар” илк бор муаллифнинг ўғли Ҳаммод ибн Абу Ҳанифа томонидан ривоят килиб тарқатилган.

“Ал-Фиқҳ ал-акбар” Имоми Аъзам Абу Ҳанифанинг кейинчалик “Ал-Фиқҳ ал-абсат” деб аталган асаридан бошқа асардир.

“Ал-Фиқҳ ал-акбар” асрлар давомида мусулмон ўқув юртлари ва мадрасаларида калом ва ақида илмидан ўқув дарслиги сифатида хизмат қилиб келган. Бу эса асарнинг айнан мужтаҳид олимга тегишли эканлигининг бир исботидир.

Айрим шарқшунослар ва тадқиқотчилар орасида “Ал-Фиқҳ ал-акбар”ни Имоми Аъзам Абу Ҳанифага тегишилилиги борасида гап-сўз кўзғалиб, уларнинг баъзилари мансубликни ҳатто шубҳа остига олишга инкор қилишгача борганлар. Жумладан, A.Wensinck илк бор “Ал-Фиқҳ ал-акбар”ни муаллиф ўзи ёзмаган деган фикрларни илгари сурган. У “Ал-Фиқҳ ал-акбар”нинг икки варианти борлигини, муаллифнинг шогирди Абу Мутеъ Ҳакам ибн Абдуллоҳ ал-Балхий (117/735–199/814) ривоятини “Ал-Фиқҳ ал-акбар” I, муаллифнинг ўғли Ҳаммод ибн Абу Ҳанифа (ваф. 176/792) томонидан ривоят қилинганини эса, “Ал-Фиқҳ ал-акбар” II шаклида бериб, биринчиси муаллифнинг вафотидан кейиноқ қаламга олинганини, иккинчиси эса анча кеч, такрибан X асрларда яратилганини айтади (A. Wensinck, 1932). У “Ал-Фиқҳ ал-акбар” I деганда ислом оламида “ал-Фиқҳ ал-абсат” номи билан шуҳрат қозонган асарни, “ал-Фиқҳ ал-акбар” II дегандан эса, бизнинг ҳозирги кўлимиздаги, асрлар давомида мадрасаларда калом бўйича ўқитилиб келинган ақидавий матнни назарда тутган. Givony Jozeph, Joseph Schacht, Brannon M. Wheeler, Ulrich Rudolph ва бошқа шарқшунослар эса, унинг фикрини тақоррлаганлар, холос (G. Jozeph, 1977:120; J.Schacht, 1986:124; B. Wheeler, 2004:8–9; У. Рудольф, 1999:20–39; У. Рудольф, 2002:25–26). Шарқ олимларидан Аҳмад Амин, Шиблий Нўймоний, Муҳаммад Абу Заҳра, Али Самий Наашшор кабиларнинг ҳам айрим эътиrozлари мавжуд (İ. Çelebi, 2005:190; İ. Çelebi, 2002:66; R. Altintas, 2002:196).

Шарқшунослар фикрига кўра, “Ал-Фиқҳ ал-акбар”да келтирилган айрим калом илмига оид мавзулар ва жавҳар (модда, материя, атом, эссенция) ёки араз (аксиденция, симптом) сингари юонон ва араб бўлмаган бошқа файласуфлар асарларидан ўтиб келган фалсафий истилоҳлар Имоми Аъзам Абу Ҳанифанинг даврида кенг тарқалмагани унинг муаллиф томонидан ёзилганини шубҳа остига кўярмиш. Бирок Имоми Аъзам Абу Ҳанифани мазкур атамаларни билмаган дейиш асосли эмас. Чунки юонон ва араб бўлмаган файласуфларнинг асарларини таржима қилиш унинг замонида ҳали кенг оммавий тус олмаган бўлса-да, лекин бир қанча фалсафий асарларни тўлиқ таржима қилиш ва улар билан танишиш бошланган эди. Бу борада бир қанча алоҳида тадқиқот ишлари яратилган (А.Махмуд, 1989:311; М.Салома, 1998:108; Y.Salih, 2011:234–249).

Шу билан биргә, Ҳазрати Умар розийаллоху анху давридан бери ислом сархадлари фатхлар ҳисобига кенгайиб борарди. Араблар ажамларнинг илми билан танишар, ислом уламолари бошқа дин олимлари билан тез-тез баҳс-мунозара қилиб туришарди. Ана шундай баҳс-мунозараларда бу хилдаги атама ва истилоҳлар ишлатилар, улардан көнг омма ҳалқ ҳабардор бўлмаса ҳам, лекин ислом уламолари ҳабардор эдилар (Х. Нурий, 2013:50). Айнан фалсафий атамалар бўлмиш “жавҳар”, “жисм” ва “араз” кабилар Имоми Аъзам Абу Ҳанифагача бўлган ислом олимлари томонидан ҳам қўлланилгани бир қанча манбалардан маълум. Жумладан, мўътазилийлар раисларидан бири Амр ибн Убайд (80/699–144/761) ҳам ўз асарларида бу атамаларни ишлатган (Адильбаев, Адильбаева, 2014:409).

Шунингдек, айрим шарқшунослар имоннинг тасдиқ ва икрордан иборат экани, мўминларнинг маърифатда тенглиги-ю, бошқа жиҳатлардан фарқли бўлиши, мўмин кимсанинг ҳар қандай гуноҳи сабабли такfir қилинmasлиги ҳакидаги фикрларни ҳам Имоми Аъзам Абу Ҳанифага тегишли эмас, деб топишган (A. Wensinck, 1932:545).

Ақидалар мавзууси билан шуғулланувчи, “Ал-Фиқҳ ал-акбар”ни батафсил шарҳ қилган соҳта салафийларнинг мутахассиси Муҳаммад ибн Абдураҳмон Ҳаммис эса, Аллоҳнинг Мусо алайхиссаломга тил ва ҳарфлар воситасисиз гапиргани, Куръонни талаффуз қилиш масаласи, жаннатда Аллоҳни жиҳат (бирор томон) ва масофасиз кўриш ҳакидаги мавзулар Имоми Аъзам Абу Ҳанифа давридан кейин вужудга келгани ҳакида ёзади (М. Ҳаммис, 2015:8; М. Ҳаммис, 2000:3; М. Ҳаммис, 1996:1996:142).

Шу билан биргә, Муҳаммад ибн Абдураҳмон ал-Ҳаммис Имоми Аъзам Абу Ҳанифанинг ўғли Ҳаммод томонидан ривоят қўлинган “Ал-Фиқҳ ал-акбар”ни муаллифнинг энг ишончли асари деб билади. Чунки, унинг шуҳрати донг таратгани, ҳанафий уламолари ҳам, бошқа мазҳаб уламолари ҳам уни муаллифнинг асари сифатида эътироф қилганлари, муҳаққиқ олимлар эса, унинг мазкур асаридан кўплаб иқтибослар келтирганлари, шу билан биргә, ундаги ақидавий масалалар Имом ат-Таҳовий қарор қилган ақидалар мажмуига мутлако мувофиқлиги бунга сабаб, деб кўрсатади (М. Ҳаммис, 2015:8; М. Ҳаммис, 1996:142).

Абу Жаъфар Аҳмад ат-Таҳовий (239/853–321/933) ҳанафий мазҳаби олими бўлиб, у ўзининг

“ал-Ақидат ат-Таҳовия” деган ном билан шуҳрат қозонган “Баён ас-суннат” асарида Имоми Аъзам Абу Ҳанифа ҳамда унинг икки шогирди Абу Юсуф (113/731–182/798) ва Муҳаммад аш-Шайбоний (131/748–189/804) ақидавий қарашларини акс этирган ва буни шу асарининг ўзида алоҳида қайд қилган (Таҳовий, 1910:2).

Аслини олганда, мазкур мавзулар кўтарилигани ва баҳс-мунозараларга сабаб бўлгани унинг даврида ва ундан олдин битилган манбаларда, шу жумладан, оят ва ҳадисларда ҳам мавжудлиги “Ал-Фиқҳ ал-акбар”га ушбу мавзулар ҳам киритилганини асослаб бера олади. Имоми Аъзам Абу Ҳанифага бағишланган қарийб барча маноқиби асарларда у зотнинг ўз давридаги хаворижлар, мўътазилийлар, қадарийлар ва муржиийлар сингари бир қанча оқимлар билан баҳслар олиб боргани бирма-бир қайд қилинган. Жумладан, имоннинг тасдиқ ва икрордан иборат эканлиги ҳакидаги фикр Имоми Аъзам Абу Ҳанифа мўътазилийлар раҳнамоларидан Жаҳм ибн Сафвон (78/696–128/746) билан учрашганида айтилган эди. Шунда у зот инсоннинг қалб билан Аллоҳни таниб қўявериши то шуни тилга олмагунча мўминликка кифоя қилмаслигини айтганлар (С. Устувоий, 2005:102). Бу маълумот эса, “Ал-Фиқҳ ал-акбар” унга мансублигини ҳам тасдиқлайди.

Мўмин кишининг ҳар қандай гуноҳи сабабли кофирга чиқарилмаслиги ҳакидаги масала эса, саҳобалар давридан бери бор эди. Имоми Аъзам Абу Ҳанифа бу борадаги “Ал-Фиқҳ ал-акбар”да баён этилган қатъий қоидаларни эса, хаворижлар билан олиб борган бир неча баҳс-мунозаралар асослаб бергани аниқ. Куръоннинг “маҳлук” (“яратилган”) экани ва уни талаффуз қилиш масаласи эса, Имоми Аъзам Абу Ҳанифа даврида кўтарилигани борасида маноқибларда бир қанча далиллар келтирилган (С. Устувоий, 2005:135–142). Ибн Абдураҳмон ал-Ҳаммиснинг Куръонни талаффуз қилиш масаласи Имоми Аъзам Абу Ҳанифа давридан кейин вужудга келган деган гапи нотўғри. Бу ақида Имоми Аъзам Абу Ҳанифа даврида ҳам кўтарилиган, лекин у зотнинг қатъий саъй-ҳаракатлари туфайли бу масала оммавийлашмасдан ёпиқлигича қолган эди. Ибн Қутайба (213/828–276/889) “Ал-Ихтилоф фи-л-лафз” асарида у зотнинг бу ишини миннатдорлик билан эслаган (Динаварий, 1985:47–50). Мўътазилийлардан чиқкан ушбу ақида сабабли Имоми Аъзам Абу Ҳанифа раддия сифатида илк бор “Ал-Фиқҳ ал-акбар” асарида бу масалага қайта-қайта тўхталиб ўтишга мажбур бўлганлар.

Мўъжиза, каромат ва истидрож борасидаги мавзуларни ҳам “Ал-Фиқҳ ал-акбар” ёзилган даврида оммалашмагани, тасаввуф Имоми Аъзам Абу Ҳанифадан кейин кенг тус олгани сабабли асарнинг муаллифга нисбатини шубҳага қўювчиларга раддия қилиб, буюк олимнинг зуҳд ва руҳий тарбия асосида ҳаёт кечирганини айтиш ўринлидир. Унинг даврида Жаъфари Содик (80/699–148/65) ва айни Кўфада яшаган Абу Ҳошим ас-Сўфий (ваф. 150/767) кабилар тасаввуф билан ҳаёт кечиргани маълум. У зот Жаъфари Содик билан учрашиб, сухбатлашган, умрининг охирги икки йилини тасаввуф ҳаёти билан яшаганига ишора қилиб, — “Agar икки йил бўлмаганида, Нўъмон ҳалок бўларди!” деган машҳур гаплари мўъжиза, каромат ва истидрож ҳақида сўз юритишига кифоя бўлиши аниқ (R. Altintaş, 2002:197).

Умуман олганда, “Ал-Фиқҳ ал-акбар”га киритилган мавзуларнинг барчаси давр такозоси билан баён этилганига шубҳа қилмаса ҳам бўлади. Шу билан бирга калом илмининг мукаммал шаклланишида Имоми Аъзам Абу Ҳанифанинг алоҳида хизматлари борки, буни инкор қилиб бўлмайди. Бинобарин, у ўзидан кейинги даврларда оммалашган ақидавий мавзулар бўйича анча илгари ёзиб кетган бўлсалар, бу унинг буюк олим бўлганини тасдиқлайди, холос.

Аслида, “Ал-Фиқҳ ал-акбар” Имоми Аъзам Абу Ҳанифага тегишли эмас, деган шубҳа ўрта асрлардаёт тарқалган эди. Унинг келибчиқишига мўътазилийлар сабабчи бўлишган. Мўътазилийлар “Ал-Фиқҳ ал-акбар”ни Имоми Аъзам Абу Ҳанифанини эмас, балки Абу Ҳанифа Муҳаммад ибн Юсуф ал-Бухорий деган шахсга мансуб, деб чиқишган эди. Бу борада Бурхониддин ал-Марғиноний (511/1117–593/1197)нинг шогирди Шамс ал-аймма ал-Кардарий (559/1164–642/1244) хабар бериб. Бу мўътазилийлардан чиқсан асоссиз гап, деган ва шу пайтгача аҳли суннат ва жамоатнинг барча машойихлари “Ал-Фиқҳ ал-акбар”ни Имоми Аъзам Абу Ҳанифага тегишли эканлигини айтиб келишганини ёзган (Али ал-Қори, 2002:53–54). Нажмулгани Рампурый (1276/1860–1351/1932) эса “Таълим ал-имон” шарҳида бу мавзуга тўхталиб, “Ал-Фиқҳ ал-акбар” бизларгача очик-ойдин ва машҳур санадлар билан етиб келган. Уни Имоми Аъзам Абу Ҳанифа ёзганлиги аниқ. Муҳаммад ибн Юсуф ал-Бухорий ёзган деган гап эса, аниқ хато ва шармандали тухматдир”, деб катъий таъкидлайди (Н. Рампурый, 1970:4–5).

Муфтий Азизурраҳмон Имоми Аъзам Абу Ҳанифа ҳаёти ва ижоди ҳақида ёзган китобида Шиблӣ Нўъмонийнинг “Сийрати Нўъмон” асаридаги “Ал-Фиқҳ ал-акбар” умуман буюк имомга тегишли эмас, деган гапига таажҷубланади ва унинг асоссиз гап эканини қайд қиласи. Шу билан бирга, унинг шубҳаларига бирма-бир тўхталиб, рад этади, қониқарли жавоблар тақдим қиласи. Бироқ, Муфтий Азизурраҳмон ҳам Абу Мутеъ ал-Балхий ривоятидаги “Ал-Фиқҳ ал-акбар”нинг “Ал-Фиқҳ ал-абсат” деб аталаётган асарини муаллифга тегишли деб билади. “Ал-Фиқҳ ал-акбар”нинг Ҳаммод ибн Абу Ҳанифа ривоятидаги машҳур вариантини эса, Муҳаммад ибн Юсуф ал-Бухорий ёзган, деган гумонга келади (Муфтий Азизурраҳмон, 1979:360–368).

ХУЛОСА

“Абу Ҳанифа” кунясига эга Муҳаммад ибн Юсуф ал-Бухорий “Ал-Фиқҳ ал-акбар”ни ёзган, деган гап қуруқ гумондан бошқа нарса эмас. Ҳанафийлар табақотига оид “ал-Жавоҳир ал-музия”да айтилишича, “Абу Ҳанифа” куняси билан танилган Муҳаммад ибн Юсуф кароматни инкор қилган (А. Курашӣ, 1993:412). “Ал-Фиқҳ ал-акбар”да эса: “Авлиёлар учун кароматлар ҳақдир”, деб таъкидланган. Шу биргина далилнинг ўзи ҳам “Ал-Фиқҳ ал-акбар”ни у ёзмаганини тасдиқлай олади.

Мўътазилийлар “Ал-Фиқҳ ал-акбар”ни Имоми Аъзам Абу Ҳанифа ёзмаган, деган гапни тарқатишлиарнинг сабаби эса, ушбу асарда улар ушбу асарда уларнинг қарашларинипучга чиқарадиган бир қанча раддия фикрлар борлигидир. Жумладан, Аллоҳнинг сифатлари ва уларнинг қадимий ва азалий деб берилиши, “муташобех” деб аталган сифатларни таъвил қилмаслик масаласи, киёматда Аллоҳни кўриш масаласи, қабр азобининг ҳақлиги, жаннат ва дўзахнинг ҳозирда ҳам мавжудлиги, авлиёларнинг каромати кабилар мўътазилийларга раддия ҳисобланади. Шунинг учун ҳам, мўътазилийлар мазкур китобни буюк имом, улуғ мазҳаббоши томонидан уларга раддия ўлароқ ёзилмаган дейишдан тап тортишмаган.

Умуман олганда, “Ал-Фиқҳ ал-акбар” ва унинг муаллифи кимлиги борасида билдирилган эътирозларнинг кўпчилиги қуруқ шубҳа ва гумондангина иборатдир. Улар бирор-бир ишончли ва мантиқли далил-хужжатга суюнлмагани боис эътиборга арзимайди ҳам, дея оламиз. “Ал-Фиқҳ

ал-акбар” ханафий мазҳаби муассиси Имоми Аъзам Абу Ҳанифа томонидан битилган илк ақидавий матнлардан бири ҳисобланади.

МАНБА ВА АДАБИЁТЛАР РЎЙХАТИ

1. Абдулкодир ал-Қураший. Ал-Жавоҳир ал-музия. – Ҳажар: Дор ат-Тибоъа ва-н-нашр, 1993. Ж. 2–3.
2. Абдулқоҳир ал-Бағдодий аш-Шофеъий. Ал-Фарқ байн ал-фиқрақ. – Коҳира: Мактаба Ибн Сино, 1988.
3. Абдулқоҳир ал-Бағдодий аш-Шофеъий. Усул ад-дин. – Истанбул: Матбаа ад-Давла, 1928.
4. Абдулҳалим Махмуд. Ат-Тафқир ал-फالсафий фи-л-ислом. – Байрут: Мактаба ал-Маориф, 1989.
5. Абу Жаъфар ат-Таховий. Баён ас-Суннат. – Қозон: Маориф кутубхонаси, 1910.
6. Абулюср Мұхаммад ал-Паздавий. Усул ад-дин. – Қоҳира: Мактаба ал-Азҳария, 2003.
7. Адильбаев А., Адильбаева Ш. Абу Ҳанифа и ханафитский мазҳаб. – Алматы: Кокжиеқ, 2014.
8. Али ал-Қори. Ал-Асмор ал-жания. – Патна: Ҳудобаҳш, 2002.
9. Ал-Олим ва-л-мутааллим. Ривояти Аби Муқотил ъан Аби Ҳанифа / Тахқик: Мұхаммад Зоҳид ал-Кавсарий. – Қоҳира: Матбаа ал-Анвор, 1949.
10. Ибн ан-Надим. Ал-Феҳрист / Тахқик: Ризо Тажаддуд. – Техрон, 1971.
11. Ибн Кутайба ад-Динаварий. Ал-Ихтилоф фил-лағз. – Байрут: Дор ал-кутуб ал-илмия, 1985.
12. Ибн Ҳалликон. Вафаёт ал-аъён ва анбо аз-замон. 5-жилд. – Байрут: Дори Содир, 1994.
13. Ибн Ҳажар ал-Асқалоний. Ал-Мўъжам ал-муфаҳрас. – Байрут: Muassasa ar-Risola, 1998.
14. Котиб Чалабий. Кашф аз-зунун. – Истанбул: “Маориф” матбааси, 1941. Ж. 1.
15. Марям Салома Кор. Ат-Таржима фи-л-асри-л-Аббосий. – Дамашк: Маншурот визора ас-сақофа, 1998.
16. Махмуд ал-Қафавий. Катоиб аълом ал-ахёр. – Байрут: Дор ал-кутуб ал-илмия, 2019. Ж. 2.
17. Муфтий Азизурраҳмон. Имоми Аъзам Абу Ҳанифа. Ҳолоти зиндагий, қонунсозий ўр фикҳ. – Лоҳур: Раҳмония, 1979.
18. Мұхаммад Абу Бақр Абдуллоҳ Бозиб. Табсит матн Ал-Фикҳ ал-акбар ъала тариқат ас-суол ва-л-жавоб. – Қоҳира: Дор ас-Солих, 2016.
19. Мұхаммад ибн Абдурраҳмон ал-Хаммис. Ал-Фикҳ ал-акбар ли-л-Имом Аби Ҳанифа / Шарҳан ва диросатан, таълиф: Мұхаммад ибн Абдурраҳмон ал-Хаммис. – Риёз: Мактаба ар-рущд, 2015. Ж. 2.
20. Мұхаммад ибн Абдурраҳмон ал-Хаммис. Аш-шарҳ ал-муяссар ъала ал-фиқҳайн ал-Абсат ва-л-Акбар ал-мансубайн ли-Аби Ҳанифа. Ажмон: Мактаба ал-Фурқон, 2000.
21. Мұхаммад ибн Абдурраҳмон ал-Хаммис. Усул ад-дин инда ал-Имом Аби Ҳанифа. – Риёз: Дор ас-Сумаййий, 1996.
22. Нажмулғани Ромпурӣ. Таълим ал-имон. – Карочи: Оромбоғ, 1970.
23. Рудольф У. Ал-Матуриди и суннитская теология в Самарканде. – Алматы: Фонд «XXI век», 1999.
24. Соъид ал-Устуворий ан-Найсбурий. Китоб ал-Эътиқод. Ақида марвийя ъан ал-Имом ал-Аъзам Аби Ҳанифа. – Байрут: Дор ал-кутуб ал-илмия, 2005.
25. Ульрих Рудольф. Ал-Мотуридия ва Самарқанд суннийлик илоҳиёти (Қисқартирилган нашр). – Тошкент: Имом ал-Бухорий ҳалқаро жамғармаси, 2002.
26. Ҳаммод Ризо Нурий. Китоби Фиқҳи акбар. Тахқик ва тадқик. – Лоҳур: Зовия, 2013.
27. Brannon M. Wheeler. Abu Hanifa // Encyclopedia of Islam and the Muslim World. Vol. I. – USA: Macmillan Reference, 2004.
28. Givony Jozeph. The Murji'a and the theological school of Abū Ḥanīfa. A historical and ideological study. – Edinburgh: University Press, 1977.
29. İlyas Çelebi. Ebû Hanîfe'nin Kelâmcılığı, İtikada Dair Risaleleri ve bunların Otantik olup olmadıkları meselesi // “İmâm-ı A’зам Ebû Hanîfe ve Düşünce Sistemi” (Sempozyum Tebliğ ve müzakereleri). Cilt II. – Bursa: Kur’an Araştırmaları Vakfı – KURAV, 2005.
30. İlyas Çelebi. Risaleleri ve İtikadi Görüşleri ile İmam-ı Azam Ebû Hanîfe // “İslâmî Araştırmalar” Dergisi. Cilt: 15. Sayı: 1–2. – Ankara: Türkiye Ekonomik ve Kültürel Dayanışma Vakfı (TEK-DAV), 2002.
31. Joseph Schacht. Abu Hanifa al-Nu'man b. Thabit // The Encyclopedia of Islam. New edition. Volume I. – Leiden: Brill, 1986.
32. Khalid Y. Salih. The Movement of Translation in Al Sham in the Umayyad Period 41-132 a.h./661-750 a.d. // College of Basic Education Researches Journal 2011, Vol. 11, Issue 1.
33. Ramazan Altıntaş. Ebû Hanîfe'nin Kelam Metodu ve “el-Fikhu'l-Ekber” adlı Eserine Yöneltilen Bazı İtirazlar // “İslâmî Araştırmalar” Dergisi. Cilt: 15. Sayı: 1–2. – Ankara: Türkiye Ekonomik ve Kültürel Dayanışma Vakfı (TEK-DAV), 2002.
34. Şerafettin Göljük, Adil Bebek. el-Fikhu'l-ekber // Türkiye Diyanet Vakfı Islam ansiklopedisi. 12 cilt. – Türkiye: Turkiye Diyanet Vakfı Yayınları, 1995.
35. Wensinck A.J. The Muslim Creed. Its genesis and historical development. – London: Cambridge at the University Press, 1932.
36. Züleyha Birinci. Abû Mutî' Rivâyetli el-Fikhu'l-ekber Şerhi'nin Müellifi meselesi // M.Ü. İlâhiyat Fakültesi Dergisi. 35 (2008/2). İstanbul, 2008.

